

وظائف شهر شعبان و إعمار أوقات الغفلة

أحمد سمير

السلام عليكم ورحمة الله وبركاته الدرس السابع من سلسلة آآ قواعد السير الى الله تعالى اه والدرس ده مختلف ويمكن يكون خارج السياق يعني ما هو اسقاط قاعدة قوي. من قواعد السير الى الله عز وجل - 00:00:00

وان كان يتضمن قاعدة الحقيقة وهي تناول اه اوقات الغفلة لكن الدرس النهاردة عن شعبان. النهاردة تاني يوم من شعبان المكان مناسب ان احنا نتكلم عن شعبان شوية اه الاصل يا جماعة في آآ - 00:00:16

فضل شعبان او في آآ العمل في شعبان هو حديث اسامة بن زيد. اخرجه احمد في المسند والنسائي في السنن آآ ان اسامة بن زيد رضي الله عنه قال قلت يا رسول الله لم ارك تصوم - 00:00:36

من الشهور ما تصوم من شعبان وقال صلى الله عليه وسلم ذاك شهر يغفل الناس عنه بين رجب ورمضان في طوفان الاعمال الى الله تعالى واحب ان يرفع عملي وانا صائم - 00:00:52

فاسامة بن زيد هنا آآ اثبت ان النبي صلى الله عليه وسلم كان يصوم في شعبان واثبت امرا فوق مجرد الصيام وهو الاكثار من الصوم في شعبان لم ارك تصوم من الشهور ما تصوم في شعبان. فيبقى كأن النبي صلى الله عليه وسلم كان بيصوم شعبان صوم كتير - 00:01:06

آآ لدرجة انه لفت نظر اسامة صفة تصوم النبي عليه الصلاة والسلام في شعبان ما قبلهاش اسامة في الحديث لكن اه ورد في حديث عائشة رضي الله عنها ان النبي صلى الله عليه وسلم كان يصوم شعبان كلها. كان يصوم شعبان الا قليلا - 00:01:25

الزيادة دي في صحيح مسلم كان يصوم شعبان كلها كان يصوم شعبان الا قليلا. طب ايه ده يعني هو كان بيصوم شعبان كلها ولا بيصوم شعبان الا قليلا؟ قال اهل العلم عشان يجمعوا بين الروايات او بين الالفاظ - 00:01:40

قالوا ان النبي عليه الصلاة والسلام كان يصوم شعبان الا قليلا صحيح يعني يصوم كل شهر الا يومين ثلاثة اه حتى يخيل للرأي انه يصوم شعبان كلها فده قول عائشة كان يصوم شعبان كلها في رواية. وفي رواية كان يصوم شعبان الا قليلا. فكأنه كان بيصوم كل شعبان الا يومين ثلاثة اربعة - 00:01:52

فيخيل للرأي انه يصوم شعبان كلها فدي كانت صفة صوم النبي عليه الصلاة والسلام في شعبان طيب فلما سأله اسامة بن زيد رضي الله عنه آآ ليه بتعمل كده في شعبان - 00:02:16

تعلل ذلك النبي صلى الله عليه وسلم بعتلين في الرواية دي اعلى البعلتين خارج الرواية دي النبي صلى الله عليه وسلم ذكر علل علل اخرى ممكن يعني ايه تقف عليها لكن خلونا مع العيلتين دول الاول. قال ذلك شهر او ذاك شهر - 00:02:36

يغفل الناس عنه بين رجب ورمضان او العلة فيه ترفع الاعمال الى الله تعالى واحب ان يرفع عملي وانا صائم تاني علة. يبقى اول علة يا جماعة ان النبي اول علة من علل - 00:02:51

كون النبي صلى الله عليه وسلم يكثر الصوم في شعبان انه زمان غفلة ذلك شهر يغفل الناس عنه بين رجب ورمضان يبقى ذلك شهر يغفل الناس عنه. فكأنني سائل طب ليه الناس بتغفل عن شهر شعبان؟ فاجاب النبي عليه الصلاة والسلام بين رجب ورمضان - 00:03:05

وقد شعبان بين شهرين عظيمين شهر رجب وهو احد الاشهر الحرم. واتكلمنا احنا عن الاشهر الحرم في درس آآ وكان اهل الجاهلية يعظمو رجب آآ ضمن تعظيمهم للاشهر الحرم. كانوا بيعظموا الاشهر الحرم جدا. واتكلمنا عن المعنى ده - 00:03:23

في درس منفصل وممکن اللي عاوز يرجع له ويرجع له و حتى لحق بعض اهل الاسلام تعظيم رجب. حتى يا جماعة لغاية دلوقتي احنا في ناس بتظن ان الصوم في رجب اولى وافضل من - 00:03:40

الصوم في شعبان وهذا انا لا اعلم فيما اعلم لا اعلم احدا من اهل العلم قط قال به ان ان صيام رجب افضل من صيام شعبان. خلوا بالكلم صيام شعبان عند جمهور اهل العلم - 00:03:52

هو افضل الصوم بعد رمضان. عند الجمهور. عند الشافعية هيقولوا صيام المحرم لكن انا ما اعرفش ان فيه حد قال ان صيام رجب افضل من صيام شعبان. يعني هو الخلاف دلوقتي بين شعبان والمحرم. ايهما افضل؟ فالجمهور على ان شعبان افضل - 00:04:06

والشافعية ذهبوا الى ان شهر المحرم صومه افضل آآ طيب فيبقى شعبان ليه الناس بتغفل عن شعبان علشان ده شهر واقع بين شهرین عظيمین. شهر رجب رجب الفرض احد الاشهر الحرم. وكان اهل الجاهلية بيعظموه جدا ولحق هذا بعض اهل الاسلام - 00:04:24

لحق هذا بعض اهل الاسلام فعظموا رجب هو شهر رمضان شهر معظم وفيه ما فيه وان شاء الله ايه نتكلم عن شهر رمضان في درس او اكتر وووقع بينهما شعبان فكان زمان غفلة - 00:04:41

كان الرسول صلى الله عليه وسلم يصومه. ليه بقى يبقى ده اصل يا جماعة الحديث ده عندنا اصل. ركزوا بقى وهي دي القاعدة لو قلنا يعني ان الدرس ده هيكون فيه قاعدة من قواعد السير الى الله عز وجل فهي اعمار ازمنة الغفلة - 00:04:57
تاني يعني دي قاعدة في طريقك الى الله عز وجل لابد ازمنة الغفلة ليه اول معنى يا جماعة في في زمان الغفلة. زمان الغفلة يعني زمان الناس غافلة فيه عن عبادة ربنا سبحانه وتعالى - 00:05:10

اول حاجة ان العبادة في ازمنة الغفلة اخفى من العبادة في غيرها طيب يعني ايه اخفى؟ يعني انت عارفين يا جماعة لما يكون زمان زي رمضان كده رمضان مسلا هو شهر التراويح. وكل الناس التراويح دي قيام ليل بالمناسبة. وكل الناس بتقوم الليل في رمضان - 00:05:31

وكل الناس شایفة بعض وهم بيقيموا الليل لكن في شهر شعبان ده زمان غفلة اللي هيقوم الليل في شعبان ما حدش يعرف عنه حاجة فالعبادة في زمان الغفلة اخفى من العبادة في غيرها - 00:05:52

طيب وايه يعني لما تكون اخفى؟ لما تكون اخفى تكون اقرب للخلاص وابعد عن الرياء صح ولا لا ولذلك يا جماعة كان السلف كانوا يستحبون اخفاء العبادات وكانوا يحرصون كانوا يحرصوا على اخفاء عباداتهم - 00:06:07

ويروى عنهم بقى اشياء عجيبة في الموضوع ده. يعني آآ يروى عن احدهم مسلا انه قعد سنوات طويلة قيل عشرين وقيل اربعين سنة يصوم لا يعلم احد بصومه ولا مراته. عارفة انه بيصوم. طبعا هو مش بيصوم يعني متصل - 00:06:27
لكن صيامه في كل هذه السنين لا احد يعلم بها حتى مراته كان اذا خرج من بيته اخذ معه رغيفين كان رجل تاجر شغال في سوق وهو خارج من البيت الصبح ياخذ رغيفين معه. في الطريق يتصدق بالرغيفين - 00:06:44

ويروح للسوق ويظن اهل السوق انه افطر في بيته ويظن اهل بيته انه افطر في السوق وفضل كده طب يعني مين عرفهم هو يا جماعة كانوا السلف كانوا يخربوا عباداتهم وامتنى بقى يكشفوها وهم على فراش الموت؟ لأن ده وقت الرجاء - 00:07:02
فالخلاص وده في وقت الوقت ده يا جماعة ما حدش آآ بيراي يعني اللي على فراش الموت ده وبينه وبين الموت لحظات من السلف من كان يقول هذا بقى بيتدى يحكى اللي عمله في الدنيا ليه؟ يرجي نفسه هو مش يعني مش بيوري اللي حواليه انا كنت بعمل كذا وكذا لا - 00:07:19

هو يخاطب نفسه بما عمله فيموت وهو حسن الظن بالله. والله عز وجل عند ظن عبده به وكان احمد السلف كان يصوم فاشتهر بالصوم. انتقال بقى فلان اللي في البلد بتاعتنا ده ده فلان صوم. فكان يعمل ايه؟ كان بييجي يوم الجمعة - 00:07:38
ويقف في المسجد الجامع الناس كلها قاعدة ويمسك آآ كوبابة الماء كده ويحطها على بقه ولا يزدرد منها شيئا. يظن الناس انه مفتر

وهو صائم ولم يدخل جوفه من الماء شيء - 00:07:57

وبعض السلف كان في بعض في كلامه يعني ينصح الناس بذلك ابن مسعود كان يقول اذا اصبح احدكم احدهم صائم فليذهب وليلبس صالح ثيابه يعني لو صاحب صائم ما تصبحش بقى ايه ماشي مقطقطع راسك وبتجرب لك عشان اللي يشوفك يعرف انك صائم لا - 00:08:11

فكانوا يصبحوا آآ يعني فيهم نشاط. وايه يعني يبالغوا في اظهار النشاط. يدعى ان يدهن شعره كده ويغوص عشان اللي يشوفه ما يعرفش انه صائم يا جماعة مهم جدا المعنى ده معنى انك تخفي العبادة معنى ان يكون بينك وبين ربنا خباء كان بعض السلف يقول اذا استطعت ان يكون بينك وبين الله خباء فافعل - 00:08:35

لان هو ده اللي هينجيك يا جماعة العبادة لما تظهر للناس احنا قلوبنا اضعف من انها تحمل مش هقول ثعلاء الناس حتى نظرة اعجاب في اعين الناس لك ربما اضعف انها تحمل ده - 00:08:59

ان انك ت Shawf الناس معجبة بك. وانك ت Shawf الناس اه بتشاور عليك شف ابن مسعود رضي الله عنه وهو من اطهر الناس قلوبها ده 00:09:15

صحابي جليل كان يخرج من بيته فالناس تتبعه. التابعين بقى شايفين صحابي فيتبعونه - 00:09:30

فilletفت اليهم ابن مسعود ويقول هل لكم حاجة؟ عاززين مني حاجة يقولون له فيقول اذا ارجعوا فانها ذلة للتتابع للمتبوع فتنة لي. انتم انتم بتتابعوني ليه عاززين اللي عازز حاجة يقول لي اللي مش عاززين يرجعوا امشوا - 00:09:49

فانها ذلة للتتابع انتم زالين نفسكم ليه مش دي قضيتنا لكن الكلمة الثانية بقى فتنة للمتبوع بتشتميني بتفتنوني ليه في ديني وده معنى مهم يا جماعة احنا طبعا في دروسنا بنحاول نتطرق لكذا معنى. معنى ايه - 00:10:06

معنى انك ما تفرجش بالتتابع وما تفرجش بالناس اللي بتشاور عليك وخصوصا في البلاء اللي احنا عايشين فيه. السوشیال میدیا والفيسبوك واللايك والرياكس والحاجات اللي ايه اللطيفة دي. دي دي بتموت - 00:10:20

دي بتهلك النبي عليه الصلاة والسلام لما مدح احدهم صاحبه يوما قال ايه؟ قطعت عنق صاحبك واحد بيمدح واحد بيقول له ده انت يعني ما شاء الله ده انت اللي فيه - 00:10:37

قال النبي صلى الله عليه وسلم قطعت عنق صاحبك ليه؟ بعد ما حتى الواحد كهن يعني بيجاحد نفسه. عشان بقى مخلص ويدفع عن نفسه الرياء يجي واحد يقدر يمدح فيه خلاص يميل بقلبه للدنيا ولحب الناس وللثناء وللشهرة اضواء - 00:10:59

يضيع ويدخل بقى في حديث ايه وقد قيل. اللي اتكلمنا فيه قبل كده. طيب المعنى الثاني بقى احنا قلنا في في القصر بتاع ابن مسعود ده معنيين المعنى الاول ان انت ما تفرجش بالحجاجات تاني حاجة - 00:11:13

ما تعينش الشيطان على اخيك ما تقدعش بقى ايه شفت واحد تقدعش تمدح فيه وتقدعش مش عارف ايه لا خالص. يعني حتى لو من باب آآ يعني اظهار الفضل جزا الله خيرا وكذا وخلاص - 00:11:26

طيب نرجع تاني. يبقى العبادة في زمان الغفلة اخفى من العبادة في غيرها وده اصلاح لك شوفوا ربنا يا جماعة بيقول ايه في القرآن. قال ان تبدوا الصدقات فنعمما هي - 00:11:40

نعم ما هي ان تبدوا الصدقات فنعم هي. وان تخفوها وتؤتواها القراء فهو خير لهم. ربنا قال كده ما قالش كده ربنا سبحانه وتعالى قال وان تخفوها وتؤتواها القراء فهو خير لكم - 00:11:57

ما قالش لهم ليه؟ الفقير ربما كان الخير له ان الصدقة تظهر فيأتيسي غيرك بك فيتصدق. فالفقير بدل ما كان ياخذ صدقة من واحد ياخذ من اتنين وتلاتة واربعة مش كده؟ يعني ربما كان الفقير الاصلاح له - 00:12:15

ان الصدقة تظهر لكن الاصلاح لك انت تاني ان تبدوا الصدقات في نعيم ما هي. هتبدوا الصدقات جميل فنعم ما هي وان تخفوها وتؤتواها القراء فهو خير لكم ايه المتصدقون. ليه - 00:12:33

فانه اقرب للاخلاص وادفع للرياء ولذلك مهم جدا انك تحرض على عبادة مخفية. ما حدا يعرف عنها حاجة بعض السلف معه كان يعني له كلام يعني يبالغ جدا يقول وددت ان لي عبادة - 00:12:33

لا يعلم بها الملكان تخيلوا انا نفسي اعبد ربنا عبادة كده بيبني وبينه الملkin ما يعرفوه ااش اصلا و كان آآ يقول بعضهم كانوا يخون عباداتهم كما تخفي الحائض حيضرتها يعني بياالغوا في ستر العبادة - 00:12:50

مش عايزين حد يعرف عننا حاجة مش عاوزين و آآ بعضهم كانت يعني بعض السلف روی عنه انه كانت تخنقه العبرة يعني وهو قاعد كده يتذكر في الموت يتذكر في احوال فيعيط - 00:13:10

يقول ما اشد الزكام طبعا هو ما بيكندش يعني ما يقولش ايه انا عندي زكام لا يقول كلمة كده اللي قدامه يفهم منها ايه انه عنده زكام وهو ما عنده زكام ولا حاجة. هو عينيه سبقة عيطة. وهو قاعد لما تذكر الموت تذكر - 00:13:23

احوال السينة فكان يعيط فيخفي يقول ما اشد الزكام وهكذا. يبقى لازم يا جماعة نحاول تخفي العبادة تاني طيب يبقى شعبان العبادة فيه اخفى هو زمان غفلة فالعبادة اخفى طيب - 00:13:35

فلما كانت العبادة اخفى كانت اقرب للخلاص وابعد عن الرياء. فلما كانت كذلك كانت تشق على النفس اه العبادة لو ما فييش حظ للدنيا فيها هتلaciها شديدة على نفسك شوية - 00:13:54

ليه على احنا دلوقتي احنا مش بنقول بقى ان واحد مرائي لا خلي بالك مش بنقول لواحد مرائي لا واحد عاوز ربنا حتى اللي عاوز ربنا ده لما بيلاقني نفسه بيعبد ربنا وسط مجموعة الدنيا بتبقى اسهل - 00:14:17

صح ولا يا جماعة شوفوا حالكم كده في رمضان الصلاة وفي الصوم وشوفوا حالكم بعد رمضان. عشان تفهموا اللي انا عائز اقوله يبقى انت احنا مش هنقول ان انت مرائي فلما الناس بتشفوك بتتشطب لا لا. انت راجل مخلص وبتتحاول تجاهد نفسك انك تكون مخلص - 00:14:32

طب ايه ليه ده بيحصل عشان النفس يا جماعة يا جماعة ربنا سبحانه وتعالى جبل انفسنا على معنى هنسميه الايه؟ انك تتسللى بغيرك يعني اتسلى يعني اقدر اتريق عليه لأ تتسللى - 00:14:48

يعني لما تشفوك غيرك بيشارك في حاجة الموضوع ده يخفف عليك الحاجة دي. دي اسمها تتسللى بغيرك ولذلك التسللى بالغير في العبادة يخفف العبادة. والتسللى بالغير حتى في البلاء والعذاب - 00:15:02

يخفف البلاء والعذاب. وفي المثل عندنا المسل الشعبي يقول لك ايه؟ اللي يشوف بلاوي الناس ها تهون عليه بلوته ليه؟ لما تلاقى الناس كلها مبتلة بتتدى عارف انت لو رايح جالك عيادا بالله واحد جا له مرض ومرض وحش - 00:15:18

بيتدى يهتم ويتنك ويتاع فيبتدى آآ الدكتور يقول له روح اعمل التحليل الفلامي في المستشفى الفلامية. اول ما يدخل المستشفى ويلاقى كل الناس اللي فيها عندهم نفس المرض تلاقى الدنيا ابتدت ايه تخف عنده. هو ايه اللي حصل جواه؟ ابتدى يتسللى بغيره - 00:15:35

النفس تتسللى بالغير سواء في العبادة او في العذاب ولذلك ولذلك يا جماعة تجدوا في القرآن ربنا سبحانه وتعالى اشار الى هذا المعنى ان النفس بتتسللى بالغير في العذاب والبلد - 00:15:51

الله سبحانه وتعالى عن آآ عذاب اهل النار لهم فيها زفير وهم فيها لا يسمعون عمرك سألت نفسك ايه لا يسمعني يعني ربنا سبحانه وتعالى هو دلوقتي احنا ربنا سبحانه وتعالى - 00:16:04

بيتكلم عن عذاب اهل النار فيبيقول لك لهم فيها زفير وهم فيها لا يسمعون. هو ده عذاب ما بيسمعوا زي ما بيسمعوش يعني ايه العذاب في كده قال اهل التفسير - 00:16:21

اي لا يسمع بعضهم صراخ بعض فيخيل لكل واحد منهم انه يعذب وحده يلا شوفوا يا جماعة حتى التسللى اهل النار وهم فيها لا يسمعون اللي يسمعوا بعضهم صراخ بعض حتى يظن او يخier لكل واحد منهم انه انما يعذب وحده - 00:16:35

فتحى دي حرمها اهل النار طيب والخنساء شوفوا الخنساء آآ لما مات صخرة اخوها وكانت بتتحبه جدا وراثته في ابيات بقى اللي هي ايه و آآ طويل التجاد رفيع العماد اه سادة عشيرته امرنا اذا القوم مدوا باليديهم الى المجد مد اليه يد فنال الذي فوق ايديهم من المجد ثم مضى مصدا - 00:17:01

افضل الحمد يهوي الى بيته يرى افضل الحمد ان يحمد اه آآ او يعني كلام زي كده. كانت بتحبه جدا. قالت ايه بقى ؟ الخنساء دي لما مات اخوها صخر قالت ولو لا كثرة الباكين حولي على اخوانهم لقتلن نفسي - [00:17:25](#)

وما يكون مثل اخي ولكن اعزى النفس منهم بالتسلي. اهو ولو لا كثرة الباكين حولي على اخوانهم لقتلن نفسي لو لا اني ببص حواليا الاقي ناس كتير ميت لها ناس كان زمانى قتلت نفسي. وما يكون مثل اخي - [00:17:44](#)

ولكن اعزى النفس منهم بالتسلي. يعني هو صحيح اخواتهم مش زي اخويا او قرائهم مش زي اخويا لكن اهو بشوف اللي حواليا وبتسلى بهم وكذلك في العادة بقى النفس بتتسلى بالعبادة. في العادة بغيرها يشاركتها العادة. ولذلك يا جماعة النبي عليه الصلاة والسلام - [00:18:02](#)

قال ايه للصحابة لما ذكر اقوام يأتون في اخر الزمان هو في حد بيقول الصوت بيقطع آآ حد تاني عارف الصوت بيقطع او لو حد الصوت عنده كوييس برضو يكتب لي يعني - [00:18:21](#)

طيب الناس بتقول الصوت كوييس المشكلة عندك في العادة يا جماعة العادة هتلقاوا ربنا سبحانه وتعالى آآ هتلقاوا النبي عليه الصلاة والسلام عفوا قال ايه للصحابة لما ذكر اقواما يأتون في اخر الزمان. قال للعامل منهم - [00:18:31](#)

اجر خمسين منكم يعني هيجي ناس في اخر الزمان هيعبدوا ربنا سبحانه وتعالى. اللي هيعبد ربنا فيهم هيأخذ اجر خمسين منكم يا صحابة ليه عشان المعنى ده قال انكم تجدون على الخير اعوانا - [00:18:53](#)

وهم لا يجدون على الخير اعوانا هتلقاوا ناس بتعينكم على الطاعة. فهتسلوا بهم او هينشطوكم للعبادة وهم مش هيلاقوا ده تاني بيقى العادة في شعبان شعبان زمان غفلة فالعبادة فيه - [00:19:15](#)

عبادة في زمان الغفلة وقلنا لك دي قاعدة اطلع بها من الدرس بتاع النهاردة ونقدر نخليها القاعدة بتاعة الدرس لو هنخلي الدرس ده في السلسلة بتاعتتنا قواعد في طريقك في قواعد - [00:19:33](#)

السير الى الله عز وجل ايه القاعدة؟ اغتنام اوقات الغفلة خلاص طيب ليه؟ عشان هي اخفى في اقرب للاخلاص وابعد عن الرياء. ولما كانت اخفى كانت اشق على النفس ولما كانت اشقة على ولما كانت اشقة على النفس كانت اثوب - [00:19:43](#)

يا اخ فكانت اقرب للاخلاص وابعد عن الرياء فلما كانت اخ فكانت اشق على النفس فلما كانت اشقة على النفس كانت اثوب قال صلى الله عليه وسلم يا عائشة اجرك على قدر نصبك. يعني كل ما هتبقى العادة فيها تعب ازيد - [00:20:07](#)

ومشقة اكتر اجرك اكبر باذن الله العادة في زمان الغفلة اشقة على النفس فهي اسود ولذلك اهو اول حديث يدل على ده الحديث اللي لسه زاكرين من شوية. للعامل منهم اجر خمسين منكم. ليه؟ عشان بيعبدوا ربنا في زمان غفلة - [00:20:24](#)

يعبدوا ربنا بنوع مشقة. انكم تجدون على الخير اعوانا وهم لا يجدون على الخير اعوانا وحديث عائشة اجرك على قدر نصبك واسمع بقى الحديث العجيب ده حديث النبي عليه الصلاة والسلام وذكر - [00:20:43](#)

كلنا عاززين عاززين كلنا نخرج حافظين الذكر ده النهاردة. ماشي النبي عليه الصلاة والسلام بيقول ايه من دخل السوق فقال اشهد ان لا اله الا الله وحده لا شريك له له الملك وله الحمد يحيي ويميت وهو حي لا يموت بيده الخير وهو على كل شيء قادر - [00:21:00](#)

قصة الذكر ولا لا تاني واحد هيدخل السوق رايح سوق بقى رايح مول رايح مكان كل محلات. قل الذكر ده. اشهد ان لا اله الا الله وحده لا شريك له. له الملك وله الحمد يحيي ويميت. وهو حي لا يموت بيده الخير وهو على - [00:21:22](#)

كل شيء قادر. ها ايه الثواب قال من قال هذا كتب له الف الف حسنة مليون حسنة ومحى عنه الف الف سيئة ورفع الف درجة يا الله يكتب له مليون حسنة ويمحى عنه مليون سيئة - [00:21:36](#)

ويرفع مليون درجة. ايه ده! كل الثواب ده اللي يقول الذكر ده لأ ما انت بتقول اهو لا لا انت مش هتاخذ السواب ده لو قلت الذكر ده الا لو قلته في السوء - [00:21:56](#)

ليه؟ لأن السوق مكان غفلة كل الناس مشغولة اه طيب حاضر. هبقى بعت الذكر او الحديث كله بقى هبعته على قناة تلت جرام ان شاء الله. حد بيطلب ده ان شاء الله - [00:22:11](#)

آا اللي هيكتب يا جماعة برضه اللي هيكتب اي سؤال ومش هرد عليه في هبقى ارد عليه في الاخر يعني ان شاء الله اه كل الثوب ده
مش هتاخده لو قلت الذكر الا لو قلته في السوق - 00:22:27

اشمعنى ؟ لانه مكان غفلة كل الناس مشغولة بالدنيا وبالتجارة وبتحصيل الاموال. وده راجل قلبه معلق بالله سبحانه وتعالى ده زمان
غفلة! ده عبد ربنا في زمن غفلة. فكان الثواب عظيم جدا - 00:22:41

خلي بالكم احنا ده كل واحد بتتكلم في شعبانها. يعني اللي يعوض ربنا في شعبان يا زمن غفلة! ده دي اول علة النبي قالها. ذلك شهر
يغفل الناس عنه بين رجب ورمضان. فكان النبي منتبه للمعنى ده. معنى ايه؟ احياء زمان الغفلة - 00:22:58
وهوريكم دلوقتي النبي منتبه للمعدة جدا. منتبه انه يحيي ازمنة الغفلة يعني هو ادي شعبان اهو. خلاص ايه تاني صلاة العشاء. احنا
هنرجع احنا لسه في الحنة بتاعة انه اثوب - 00:23:11

العبادة في زمان الغفلة اه اخفى فكانت اشق فكانت اشقاً فاول حاجة قالها ايه؟ زمن الغفلة فانا مش هفوتها كده الازمنة دي. صلاة العشاء
وسلم كان مهمتهم بانه يحيي ازمنة الغفلة - 00:23:25
ومركز في المعنى ده يعني لما صام شعبان فاتسأل فاول حاجة قالها ايه؟ زمن الغفلة فانا مش هفوتها كده الازمنة دي.
النبي عليه الصلاة والسلام يا جماعة الازان يأزن - 00:23:37

ازل شيء. وبعدين الصحابة راحوا المسجد والنبي يتأخر عليهم. يتأخر يعني ايه؟ يعني يعني لغاية امتى؟ لغاية نص الليل انت
متخيلين؟ يعني العشاء دلوقتي مثلاً بتاذن سبعة وشوية راحوا مستنين يوم يخرج اليوم ما خرجش. اليوم ده اللي هو النبي عليه
الصلاه والسلام - 00:23:52

في فضل النبي عليه الصلاة والسلام ما يخرجش له ما يخرجش لهم لغاية مسلا حداشر ونص بالليل وهم قاعدين لدرجة ان ايه تحقق
رؤوسهم. بيتدوا يسقطوا وهم قاعدين طيب ما يخرجش النبي وبعدين خرج عليه الصلاة والسلام. اول كلمة يقولها لهم ايه -
00:24:09

ابشروا فانه لا احد ينتظر الصلاة على وجه الارض او في الارض غيركم فهمتوا يبقى النبي منتبه للمعنى عليه الصلاة والسلام. معنى
ايه؟ احنا هنعبد ربنا اهو في زمان كل الناس اللي في الكوكب - 00:24:24

ما حدش غيركم دلوقتي بيصلني. ما فيش حد منتظر صلاة غيركم انتم فهمتوا؟ فالنبي مركز في الحنة دي عليه الصلاة والسلام انه
يحيي ازمنة الغفلة ولعل من هذا احياء ليلتي العيدin على ما فيها من ايه؟ خلاف في تصحيح يعني في تضييف الحديث او كذا لكن
على كل حال احنا اللي بنأخذ به ان احنا نعمل بالضعف - 00:24:45

في فضائل الاعمال لان برضو ليالي العيد بتبقى ليالي غفلة بس مش وقته هنجي لها بعدين ان شاء الله ونتكلم عليها طيب نرجع تاني
بقىبني ادم في زمان الغفلة اسوأ - 00:25:08

يبقى انت اما توعد ربنا في شعبان عبادتك اثوب قلنا للعامل منهم اجر خمسين منكم وقلنا حديث ذكر السوق وشوفوا الحديث ده
كمان وحديث جميل جدا النبي صلى الله عليه وسلم ذكر ثلاثة - 00:25:20

يحبهم الله عز وجل. شوفوا يا جماعة الثواب. لما اقول لك ربنا بيحبهم دي حاجة عالية اوبي ربنا هيحبك لو عملت حاجة من التلاتة
دول ايه هم التلاتة بقى؟ التلاتة ربنا بيحبهم - 00:25:35

تذكر النبي صلى الله عليه وسلم اول واحد وشوفوا السمة المشتركة بينهم ايه اول واحد ربنا بيحبه قوم ساروا ليتهم الناس مسافرة
بالليل حتى اذا كان النوم احب اليهم مما يعدل به قام احدهم يتملقني ويتلوا اياتي - 00:25:49

نقف بقى هنا مع لفظ. ناس يا جماعة مسافرين بالليل مش دلوقتي راكبين عربية مكيفة او طيارة ويتنزل لهم وجبة سخنة لأ. مسافرين
بالليل زمان متخيلين حتى اذا كان النوم احب اليهم مما يعدل به. عارفين يعني ايه الجملة دي؟ الجملة دي يعني ايه؟ لو جيت قلت
لو واحد بقول لك ايه؟ ايهرأيك ما تتمش واديك مليون جنيه - 00:26:07

يقول لك لأه هنام. خلي لك المليون انا مش قادر. هو ده معنى الجملة. حتى اذا كان النوم احب اليهم مما يعدل به يعني مهما هتدي له

هيفقول لك شكرنا انا عاوز اناام - 00:26:28

قام احدهم يتمنقني ويتلوا اياتي كام واحد فيهم في الوقت ده وقت الغفلة بقى. كله نام وهو فكان ثوابه ايه؟ ربنا حبه لانه عبد ربنا في زمان غفلة الثاني ورجل سأل قوماً مسألة - 00:26:44

واحد فقير دخل على مجموعة قاعدين انت بقى بتتكلوا في مطعم راكبين عربية وماشيين سوا يا جماعة الحاجات دي مهمه شوفوا معاني بسيطة ازاي آماشي مع صحابك نازل المهم - 00:27:06

ادي واحد سألكم. يا جماعة انا فقير وعاوز فلم يعطوه فتخلف احدهم سراً فاعطى شوفوا يا جماعة الثواب احبه الله هنا عبد ربنا في ايه؟ في زمان غفل فيه الناس. خدوا بالكم يا جماعة. هو لو كان لوحده - 00:27:20

وادله ربنا ما ذكرش السواب ده عنه ليه؟ لأن ذي ما قلنا انت لما تشوّف كل اللي حواليك ما بيديش انت نفسك بتيجي في حته ايه؟ ما انا كمان ما تجيتش - 00:27:42

خلي بالكم يعني انت كنت ممكن تبقى اسهل لو لوحدك وتطلع انما لما تبقو عشرة خمستاشر واحد وكله يقول له ربنا يسألك ربنا هيجي عليك الدور تقول له ايه؟ ربنا يسهل لك - 00:27:54

ونفسك بقى اصلاً بتحب الدنيا وبتحب الفلوس وبتحب القرش اللي في جيبك خلاص هتكتسن غيرك. فكان الثواب ده اللي هو بعد كله قال له لا ربنا يسهل لك يا عم الحاج. فواحد منهم تخلف سراً. شايفين اللفظ - 00:28:03

فاعطاه ثوابه احبه الله. الثالث ثانية قوم كانوا في سوريا فانهزموا وفروا فقام احدهم وجاه العدو فقاتل حتى قتل يبقى عبد ربنا بعبادة من اجل العبادات وهي الجهاد. في زمان ايه؟ غفلة. كله فر - 00:28:21

هو ثبت لوحده في زمان الغفلة. فاحبه الله. لو ركزت في الثالثة. ايه المعنى الجامع بين بين الثالثة دول يا جماعة ان الثالثة عبدوا ربنا في زمان غفلة الاول في زمان غفلة الرفقه عن عن القيام الثاني في آما عبد ربنا سبحانه وتعالى في زمان غفلة الرفقه عن النفقه الثالثة - 00:28:42

ربنا سبحانه وتعالى في زمان غفلة الرفقه عن الجهاد عن القتال الثواب ان احبهم الله عز وجل جواب عظيم جداً سبعة يظلهم الله في ظله يوم لا ظل الا ظله - 00:29:05

منهم اتنين فيهم المعنى ده اول واحد من السبعة. فيهم المعنى معنى العبادة في في زمان الغفلة قال النبي صلى الله عليه وسلم سبعة يظلهم الله في ظله يوم لا ظل الا ظله - 00:29:19

رجل ذكر الله خالياً ففاضت عيناه يعني عابد ربنا زاكر ربنا وهو لوحده بعيد عن الناس عبادة خفية ما حدش شايفها تفاصت عيناه. كلمة خالية المهمة واللي ما كانش النبي قالها عليه الصلاة والسلام - 00:29:33

والثاني رجل تصدق بصدقه فاخفاها حتى لا تعلم شمالي ما انفقت يمينه بصوّا يا جماعة ثواب العبادة المخفية اخفاء العبادة طيب يبقى ده اول معنى في زمان في العبادة في زمان الغفلة. انه آما او تلات معاني بقى مرتبطين بعض. انها - 00:29:54

اخفى فكانت اقرب الاخلاص وابعد عن الرياء فكانت اشق فكانت اسود. معنى تاني مهم جداً وركزوا فيه بقى ان يا جماعة اهل الديانة واهل التقوى واهل الایمان في زمان الغفلة يدفع بهم البلاء عن اهل الارض - 00:30:19

ايه ده! ايه الكلام الكبير ده اولاً يا جماعة انا يعني احسب ان كل اللي جه الدرس ده وفتح الزوم وقعد يتفرج على الدرس ده دلوقتني وبالزالات لو على الشرط اللي احنا متفقين عليه مع بعض ان انت قاعد مركز في الدرس مش فاتح الزوم وقاعد برضو بتعمل شغال حياتك عادي - 00:30:38

اللي واقفة في المطبخ واقفة في المطبخ واللي قاعد بيسكرولي على الفيس على الفيس لا ده انت راجل قاعد مركز في الدرس فاحسب ان انت حد عاوز دين - 00:30:58

ده حد ساب كل حاجة واقطع وقت من عمره كده لربنا سبحانه وتعالى لو انت ده في حضرتك واحد من اللي انا بكلهم دلوقتني بالكلام اللي جاي لان الكلام ده ما يصلحش ان احنا نتكلم به اي حد - 00:31:07

ماشي اللي هو ايه بقى ؟ له معنى لازم اهل الایمان يفهموه وينتفظنوا له جيدا يا جماعة لما تلاقوا الناس في غفلة الناس بتعصي ربنا
لازم تخافوا ولازم تترعبو ولازم تجرروا لربنا سبحانه وتعالى في الوقت ده - 00:31:23

وعشان كده انا كنت عملت فيديو صغير عن ليلة رأس السنة الميلادية وقلت لكم قوموا الليل وصوموا النهار وادعوا ربنا وانا
عارف ان في بعض اهل العلم يقول بدعة. انا عارف ده كله يعني عشان وانا قلت ده في الفيديو - 00:31:44

لكن انا اميل الى القول الآخر. ان ده زمان غفلة. ده لازم نعمره بالطاعة ليه ؟ عشان المعنى ده معنى ان ربنا سبحانه وتعالى بيدفع عن
اهل العصيان باهل الایمان. المعنى ده اذكر ربنا سبحانه وتعالى في القرآن - 00:32:00

قال الله عز وجل ولو لا دفع الله الناس بعضهم البعض لفسدت الارض في بعض او يعني في احد تفاسير هذه الآية ولو لا دفع الله الناس
بعضهم البعض يعني ولو لا دفع الله عن اهل العصيان باهل الایمان - 00:32:15

لفسدة الارض كان زمان الارض دي انتهت من زمان لكن ربنا بيدفع عن اهل العصيان بميin ؟ باهل الایمان. وقال الله عز وجل للنبي
صلى الله عليه وسلم وما كان الله ليغفر لهم وايه - 00:32:33

وانتم فيهم يعني وجودك امنة. ربنا مش هينزل العذاب وانت موجود يا يا محمد عليه الصلاة والسلام. طب هو ده النبي بس ؟ لأنكم
الايام كمان. النبي بيقول ايه للصحابه - 00:32:45

انا امانة لاصحابي فاذا ذهبت اتي اصحابي ما يوعدون. واصحابي امنة لامتي. فاذا ذهب اصحابي اتي امتى ما توعد شفتم يا جماعة
معنى ان الرجل الصالح وجوده امان للناس امان للناس - 00:32:56

بالذات لو كثرا هم الصالح اه في حديث آآاظن في مسند البزار من روایة ابی هريرة النبي صلی الله عليه وسلم قال مهلا عن الله مهلا
يا جماعة بالراحة على ربنا. مهلا عن الله مهلا. فلولا الشیوخ رکع - 00:33:22

واطفال رضع وبهائم رتع لصب عليكم العذاب صبا مهلا عن الله مهلا فلولا ايه ؟ شیوخ رکع واطفال رضع ما لهم ذنب وبهاء رضع.
بهائم ما عملتش حاجة يا له من رجل يرحم لاجل بهيمة. البهيمة عند ربنا احسن منه - 00:33:45

لو لا دول بقى كان ايه اللي حصل ؟ لاصب عليكم العذاب صبا بقى لو لا الشیوخ اللي بترجع الناس اللي بتتعبد ربنا والناس غافلة كان
زمان العذاب نزل وفي حديث بقى الهي وده يعني اسرح - 00:34:12

آآ دليل على المعنى اللي احنا بنقول عليه قال الله عز وجل في الحديث القديسي اني لاهم باهل الارض عذابا وانظر الى عمار بيويتي
والمستغرين بالاسحار فاصرف عنهم العذاب بيقى ده معنى مهم - 00:34:28

اني لاهم باهل الارض عذابا وانظر الى عمال بيويتي والمستغرين بالاسحرار فاصرف عنهم العذاب بيقى حضرتك اما بقول حضرتك
اقصدك انت يا اللي سبت الدنيا وحيث قعدت تحضر الدرس وده دليل على انك عاوز ربنا وعاوز اخرة - 00:34:48

حضرتك عليك مهمة مش بس نفسك لأ ده حضرتك عليك مهمة على كتافك تجاه الامة تجاه الكوكب اللي انت عليه شفتم الكلام الكبير
بقى انت عليك مهمة للكوكب اللي انت عايش عليه ده - 00:35:11

ايه مهمتك اول ما تلقي الناس في غفلات لو تفكروا يا جماعة او يعني اللي شاف الفيديو بتاع ليلة رأس السنة. قلت لكم انا لا اعلم
ليلة في السنة اكتر من هذه الليلة فجورا - 00:35:29

مجاهرة بعصيان الله عز وجل على الكوكب. وده معنى لو تخيلته مرعب مرعب انت عارفين يا جماعة ممكن كل بلد من البلدان او كل
امة من الامم وكل ملة من الملل لها عيد بتخرب الدنيا فيه - 00:35:45

للأسف حتى اعيادنا احنا اللي هي المفروض اعياد دينية دينية تعال كده شف الوقفة. عاملة ازاي اللي في الشوارع ده سيبك من اللي
بتشفوه الشوارع البهدلة والمصغرة لا ده روح بقى الناس اللي بتشرب والناس اللي يعني الله يعافينا - 00:36:03

كل امة من الامم لها عيد بتخرب الدنيا فيكم لكن شوفوا المعنى بقى المرعب الثاني اللي هو ايه ان ليلة رأس السنة الميلادية دي
الكوكب كله بيخراب الدنيا فيها معنى مرعب مرعب لو تخيلتم - 00:36:22

ان اعظم ليلة يعصي الله عز وجل فيها ليلة رأس السنة ولذلك ما كانش انا ساعتها قلت ما ينفعش تعدي كده ما ينفعش حضرتك تبقى

نایم مش هقول لك ما ينفعش تعصي. ما ينفعش تبقى قاعد مرتاح. انت لا تبقى قلقان - 00:36:39

لازم تبقى قلقان ربنا سبحانه وتعالى ممكن ينظر في هذه الليلة لاهل الارض فتنزل الكلمة منه لاهلاك الناس دي خلاص وكذلك ازمنة الغفلة بقى. اي زمان غفلة ترعب اول ما انت زمان كده زمان غفلة. الناس غافلة فيه - 00:36:54

مش هقول كمان بيعصوا. غفلة عن عبادة ربنا سبحانه وتعالى. انت على طول تاييه تنط كده تقوم هصلبي هصوم هقرأ قرآن ليه؟ اني لاهم باهل الارض عذابا فانظر الى عمال بيوي والمستغفرين بالاسحار - 00:37:11

فاصرف عنهم العذاب ماشي ولذلك النبي صلى الله عليه وسلم قال عبادة في الهرج كهجرة اليه او عبادة في الفتنة كهجرة اليه يبقى ده معنى تاني في اعمار ازمنة الغفلة - 00:37:24

ان ربنا سبحانه وتعالى بيدفع العذاب عن اهل الارض يا اهل الايمان لولا الذين لهم ورد يصلون واخرون لهم سرد يصومون لدكدةك ارضكم من تحتكم سحرا لانكم قوم سوء لا تطعونه - 00:37:39

طيب المعنى الثاني اللي النبي صلى الله عليه وسلم ذكره في شعبان باول معنى ان شعبان زمان غفلة يبقى حضرتك لازم تكثر من العبادة في شعبان. اللي هي ايه؟ العبادة هنعرف - 00:37:59

ان شاء الله لكن في معنى تاني النبي ذكره قال ذلك شهر يغفل الناس عنه بين رجب ورمضان فيه ترفع الاعمال الى الله تعالى واحب ان يرفع عملي وانا صائم. اه - 00:38:11

معنا في غاية الالهمية يا جماعة اللي هو معناه ايه بلاويك بتاعة السنة كلها بتترفع لربنا وبتتعرض عليه في الشهر ده فانا هضرب لكم مسال عشان تفهموا المعنى ده او قربوا الادهان اللي بيسمعوا - 00:38:26

تخيل كده حضرتك من ايد ملك من الملوك وبعدين الملك ده آآ المخابرات آآ العامة بتاعته ولا امن الدولة جايبيين له تقرير عن حضرتك وانت واقف قدامه قدام الملك ده وما سكه بقى هو التقرير بتاعك كده وبيقرا في التقرير - 00:38:45

بلاقي ان انت في اليوم الفلاني آآ عملت بلاوي بقى. هو بيقرا بلاوي عنك دلوقتي. في اليوم الفلاني عملت كذا. اليوم الفلاني عملت كذا. وبعدين بيبص في التقرير ده ويروح باصص لك - 00:39:04

يلتفت اليك فحين التفاتته يرى منك وجلا وخوفا وانكسارا وزلا وعينا باكية وندما على ما فعلت طيب تخيلوا انا مش هقول يعني دي لقطة. تخيلوا السيناريو ده او المشهد ده. مشهد تاني بقى وهو بيقرا كده - 00:39:14

وحين التفاتته اليك يراك لا تعبأ به ويعمل تصرف وتغنى وتبص في السقف وتهرش في دماغك ايهرأيكم فهمتوا ولله المثل الاعلى هو ده اللي النبي عايز اقوله يا جماعة. انا انا مش بحكي حواديت. ده اللي النبي بالضبط عاوز يقوله عليه الصلاة والسلام - 00:39:33

قال فيه ترفع الاعمال الى الله واحب ان يرفع عملي وانا صائم ده ربنا بيشوف عملي دلوقتي. فلما ربنا خلي بالكم النبي صلى الله عليه وسلم اللي هو يعني اكثر الناس عبادة واكثر الناس اخلاصا واكثر الناس كل يعني حط كل حاجة هو اكثر الناس كل حاجة. عليه الصلاة والسلام - 00:39:54

ومع ذلك يقول الكلام ده. تخيل بقى حضرتك بلاويك بصحائفك السود كل ده ديار على ربنا فربنا يرى منك وقت العرضة ذلا وانكسارا وصوما واخبارات تقرب به اليه سبحانه وتعالى - 00:40:15

ايهرأيكم؟ شهر شعبان هو شهر رفع الاعمال السنوي خلي بالكم يا جماعة احنا عندنا اعمال بتترفع احنا عندنا كذا عارضة في عرض يومي وعرض اسبوعي وعرض سنوي اللي هو عارفين بتوع المحاسبة يسموه ايه الحساب الختامي. عارفين الحساب الختامي؟ اه. ده الحساب الختامي - 00:40:36

وعلى فكرة يعني انا عارف الاحاديث كده تحسها ان شهر شعبان ده كأنه نهاية السنة وابل يعني تحس كده في ليه خصيصة كده يعني شعبان بيتربيع فيه الاعمال وتعرض على ربنا. وتحس كأنه زي ما بقول لك كده حساب ختامي. السنة خلصت - 00:40:59

وبعدين في معنى تاني هنتكلم عنه في ليلة النصف من شعبان ان شاء الله الاسبوع الجاي او حاجة ان فيه تنسخ الاجال الاجال يعني الناس اللي هتموت السنة الجاية كلها ربنا بيدي كتاب كده للملائكة. دي اسماء الناس اللي هتموت السنة الجاية دي - 00:41:19

00:41:35

وفي اليوم بيتعرض الاعمال بترفع مرتين في اليوم وعرض اسبوعي في يومين في الاسبوع. وعرض سنوي او او رفع الاعمال بقى
السنوى. الله هه في شعبان. انه العرض. اليوم. الله. هه الصح وبالله. - 00:41:51

00:41:51

يتعاقبون فيكم ملائكة الملايكة بتنزل الصبح والملايكة بتنزل بالليل. ورادي كده زي ورادي. وبيجتمعوا فين؟ في صلاتي الفجر والعصر
تحتاج الملائكة بق... يعني... يعني... تسلمه الودية بق. ملائكة بتتنا... الصبح... ملائكة بتتنا... اه اه باللما... - 00:42:05

00:42:05

يجمعوا الاجتماع بتابعهم ايه؟ تسليم الوردية. تسليم وتسليم يحصل في صلاة الفجر وصلاة العصر. يجتمعون وبسؤالهم الله عز وجل
كيف وحدتم عباده. يقوله: اتناهم وهم يصلوه: وتنكناهم وهم يصلوه: بالله عليك يا الله، بتناه عن: صلاة الفجر - 00:42:25

00:42:25 -

يعني ايه ايه ربنا قال ايه في القرآن ان الفجر كان ايه يا انا مشهود عارفين يعني ايه كنانة مشهودة؟ قالوا تشهد لهم ملائكة الليل
والنهار ١٣٠ هم العبرة احتموا في حالة الفجر - ٤٢:٤٣

00:42:43

وَقَرْآنُ الْفَجْرِ مَشْهُودٌ لِيَهُ اتَّسْمَى مَشْهُودًا، أَنْ قَرْآنَ الْفَجْرِ كَانَ مَشْهُودًا. تَشَهَّدُ مَلَائِكَةُ اللَّيلِ وَالنَّهَارِ الْوَرْدِيَّتَيْنِ بِيَحْضُورِهِ قَرْآنَ الْفَجْرِ.

بِكَ نَايِمٌ. حَصَّ

كيف وجدتم مبادى اتينا وهم يصلون وتركناهم وهم يصلون يبقى ده العرض اليوم. عندك عرض اسبوعي اللي هو يوم الاثنين والخميس عرض اسبوعي اللي هو الاثنين والخميس فبردو فيه حديث ان فيه فيه هنا ترفع الاعمال الى الله عز وجل والنبي كان يصوم الاثنين وخميس . وذلك ان علة الصوم كده برضو - 00:43:26

00:43:50

00:44:03

00:44:18 -

00:44:35 -

وشيء من الدرجة يعني بالليل طب اشمعنى الوقتين دول اللي معاني منها المعنى ده وقت العرض فربنا يبص يلاقيك قاعد في المسجد قعدة الشهوة، ربنا يبص يلاقيك بتقها، اذكا، المساء بعد صلاة العصر - 00:45:02

00:45:02 -

00:45:19

ما هو معنى يا جماعة يعني فعلاً يأسر طب جه شعبان بطائرة بلاوي السنوات بقى افکر في بلاوي السنة متخيّل ان ربنا سبحانه وتعالى خلاص بقى سعرض عليه الكلام ده بتاعك ده - 00:45:40

00:45:40

فینظر اليك سبحانه وتعالى فيجد منك الصوم والاختبات والخضوع والذل والانكسار والخوف سبحانه وتعالى والرجاء والاطمئنان في آية رحمة وكرمه وعفوه يجد منك هذا ايه رأيكم ولا يلاقيك بقى، زي صاحبنا اللي كان بيتصفح السقف وبيهدرش في دماغه وفاتح

ماغه وفاتح

00:45:57

ولا في دماغه فهمتم يا جماعة يبقى ذلك شهر بين رجب ورمضان يغفل الناس عنه فيه تعرض الاعمال على الله واحد ان يعرض

عملی او في اتصال عملی الله واحد ان يرفع عملی وانا صائم - 00:46:18

طيب بيقى احنا هنعمل ايه في شعبان؟ بيقى دول المعنيين اللي من اجلهم هنحتفي بشعبان. طب ازاي نحتفي يعني؟ يعني هنصوم. اول حاجة وادينا عرفنا اهو الصوم في شعبان وهتكلم عن الصوم في النصف الثاني من شعبان بس مش هينفع النهاردة عشان الوقت
لان في احكام فقهية في الحنة دي - 00:46:34

لكن هتكلّر من صوم في شعبان. يعني اصوم شعبان ايه؟ آآ تقدر تصوم شعبان كله صومه الا يومين في الاخر كده ولا حاجة خلاص لا
مش هقدر اصوم كله. تكثّر من الصيام في شعبان. بيقى ده اول - 00:46:51

وظيفة من وظائف شعبية. الوظيفة الثانية ان شعبان يا جماعة هو تمرين لرمضان فتكلّر من عبادات رمضان. اللي هي عبادات
رمضان. تكثّر احنا قلنا من الصوم. بيقى بتتدرّب لرمضان قراءة القرآن - 00:47:03

رمضان طبعاً دي خصيصة مع القرآن. فتكلّر من القرآن في شعبان وكانوا يسمون شعبان شهر القراء شهر القراء قراء القرآن وكان
بعضهم اذا دخل شعبان كان بعضهم اذا دخل شعبان - 00:47:18

أغلق حانوته وتفرّغ للقرآن يعني واحد تاجر عنده محل يدخل شعبان يقفل الدكان ويقعد خلاص. دخل شعبان شعبان ورمضان احنا
قاڤلين مغلق للتحسينات. تحسينات القلب وتحسينات النفس وتحسينات كل حاجة. مش تحسينات المحل والتجارة
والدنيا. اللي هتروح - 00:47:36

لا مغلق للتحسينات انتهت خلاص بيقى تكثّر من الغيان ايه واكثر من القرآن يعني آآ تجيّب آآ زي بعضه مش هنقول ستين خاتمة زي
رمضان هات لك تلاتين خاتمة في شعبان - 00:47:58

كان له ستين خاتمة في رمضان في غير الصلاة ما تقولش بقى ازاي ها دي بركة في الوقت وانت نفسك بتحس بدّه يعني تلاقي يوم
ايه تصحى كده تقول ايه؟ اليوّم معرفت ويوّم ثاني تصحى تقول هو اليوّم مش راضي يخلص ليه؟ انت بتحس بالبركة في الوقت؟
بنحسها. ودي مش حواديت قبل النوم - 00:48:14

لأ يعني روينا عن ناس عايشة بینا او يعني كانت الى قريب شيخ ابن قاعود مسلا روينا عنه ان هو كان له ستين خاتمة في رمضان
يعنى حتى من الناس المحدثين اه كان في ناس بتعملها - 00:48:32

وفي ناس بقى من دلوّتي يعني شفنا اللي بيجيب خاتمة في ركعة شفناها انا مش بتكلم على ناس ما اعرفهاش واحد بيقف
يجيب خاتمة في ركعة الشيخ اسامه عبدالعظيم حفظه الله وهو راجل جاوز السبعين من عمره - 00:48:46
كان يعني اخر حاجة اعرفه عنه بيختتم في التلات ليالي مرتين تلات ليالي مرتين. يعني بيجيب الخاتمة في يوم ونص الناس اللي
بتصلّي وراه خلاص اه في ناس عايشة بینا في حنة تانية خلي بالكم - 00:49:04

والناس دي انا يعني دايماً اقول بالزات حد ذي الشيخ اسامه حفظه الله الناس دي اقامها الله عز وجل بين اظهرنا حجة عليه. عشان
تيجي يوم القيمة تقول له يا رب الزمن والوقت يقول لك كان في حد اسمه اسامه عبد العظيم معكم - 00:49:20
وبيعمل واحد اتنين ثلاثة. يعني احسبه كذلك طبعاً. انا لا ازكي على الله احداً. لكن حجة حجة لله عز وجل بين الشيخ وسعد العظيم
الشيخ الدبيسي. الناس دي حجج لله عز وجل على امثالنا - 00:49:37

اه شوفوا سموحة عبد العظيم مرة آآ يعني واحد من اخوانا وايه بيفصلّي وراه وبعدين ابوه ابوه كان آآ اظن ظابط جيش او حاجة
وبعدين بيكوّل له يا ابني انت بتصلّي فين؟ قال له عند الشيخ الفلاني طب ما اجي اصلّي معك راح - 00:49:51

وبعدين فيبحكي بعدين بقى لشيخ تاني يعني دخلت اصلّي انه يركع ابداً. والراجل بقى ايه يعني له وجيش. بيكوّل لدرجة قلت ايه
طب هقدر وبعدين قلت طب انا لو في مجدد واقف بيفصلّي وشاوفي قعدت - 00:50:12

هو بيكوّل له بقىت ادعى ربنا الارض تتشق وتبلع يعني على كل حال آآ آآ كنا بنقول ايه بقى اما بخرج كده ايه بيكوّل صعب ارجع تاني
شوية اه فاحتنا نكثّر من العبادة في شهر شعبان للمعاني دي - 00:50:25

آآ اه وشهر القراء فتكلّر من قراءة القرآن اكسر اكسر يعني خلاص ركز اللي يقدر يقلّل شوية من شغله يقلّل من شغله اللي يقدر يسيّب

الشغل اللي يقدر يعني كان السلف بيعملوا كده. يحوشوا عشان يدخل شعبان ورمضان - [00:50:55](#)

دول مغلق للتحسينات انتهت بيقى صيام قراءة قرآن صدقة. وكان بعض السلف يخرج زكاة ما له في شعبان. لأن طبعاً انتم عارفين الصدقة من وظائف رمضان برضو. النبي صلى الله عليه وسلم كان - [00:51:10](#)

اجود من بالخير من الريح المرسلة وكان اجود ما يكون فين؟ في رمضان. فدي من وظائف رمضان. فتستعد للوظيفة دي من شعبان انك تكثر من الصدقة. حتى لو زكاة مال. وكان زي ما قلت لكم بعض السلف يخرج الزكاة مش في رمضان في شعبان. ليه؟ ليعنين الفقراء على العبادة في رمضان. عشان بيقى الفقير قلبه - [00:51:23](#)

خلاص معி فلوسي اللي هتقضيني فانا متفرغ لعبادة ربنا سبحانه وتعالى في رمضان فدي من الوظائف بتاعة شعبان. انك تتصدق من وظائف شعبان كذلك للقيام خلاص وہتتكلم على ليلة النصف من شعبان كمان مرتبين بالزارات الليلة دي بالزارات لها خصيصة. هنبقى نتكلم عنها ان شاء الله - [00:51:41](#)

فتبقى برضو تبتدئي تتدرّب على القيام في شعبان. فدي الوظائف بتاعة شعبان. اه مش عاززين نطول عن كده خمسين دقيقة كفاية اوی آآنشوف لو في اي اسئلة بقى طيب آآممکن تقول لنا جدول شعبان ازن انا جاوبت على ده. اهم ثواب شهر شعبان اظن برضه جاوبت ما فيش اسئلة ثانية خلاص - [00:52:01](#)

اقول قولي هذا واستغفر الله العظيم لي ولكم سبحانه اللهم وبحمدك نشهد ان لا اله الا انت نستغفك ونتوب اليك - [00:52:32](#)